

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Deutsche Gebete und Tagzeiten - Cod. Lichtenthal 97

Frankenthal (?), [um 1500]

Grüße zur Hl. Anna

[urn:nbn:de:bsz:31-29588](https://nbn-resolving.org/urn:nbn:de:bsz:31-29588)

Got gruß dich rote welsche grasblum
 O heilige frau sant anna
 Die da so manigē hylffest us
 siner not O frau hylff mir
 durch die freud die du entpfingst da dir
 der engel offenbart vnd sprach das du
 eyn mutter sin soltest der wundige mutter
 gottes In der gedechtnis O werde frau
 erlos mich von allem truct. wee angst
 vnd schmerzen sell vnd libo Amen
Ich gruß dich edelle lauanderblum. O
 anna heilige frau myn hertz hebit
 sich vff als ich dinen heilige namen horr
 nennen Durch die freud die du hettest da
 du in dinem lychnam trugst die gebenedit
 erwidige mutter gottes maria So sy alzeit
 myn gedechtig vnd erlos mich von alle truct
 wee angst vnd schmerzen Amen
Ich gruß dich edelle tynearm voll susser
 geruchs O anna werde mutter din name
 vnter barmhertzigkeit vnd gnad. Welch ich

alzit begerer **D**urch die freud die du hetest
da du gebarest vnd vffzogst die mutter
gotes maria mit so großen freude **S**o
sy alzit myn gedechtig vnd erloß mich
von allem truck. wee angst vnd schmerzen
Ich gruß dich schone vñöll **M**aria werde
mutter voll aller tugend **S**ua hat vns zu
der hell bracht **A**ber durch din werde
dochter vort vns der hymel vffgethan
Vnd vmb der sinder willen ist sie werde
eyn muter **X**p̄i **D**urch die freud die
du hettest da du verdientest zu seugen
vnd in dinē armen zu tragen die treuen
vnd mutter **X**p̄i **S**o sy alzit myn gedech
tig vnd erloß mich von allem truck
wee vnd angst **A**men

Ich gruß dich lustliche goldblum **M**aria
du werde mutter **D**urch die freud die
du hettest **D**a du die gebenedit frau
des hymels opferst in den tempell **S**o
sy alzit myn gedechtig vnd erloß mich
von allem truck wee vnd angst **A**men
Ich gruß dich edelle blum des parradis
Maria werde mutter **D**in prys

Vnd lob geet uber all frauen **D**u wolgeborene
 frau. mit was wredigkeit mag ich dich
 preysen oder wem mag ich dich gleiche **D**u
 usserwelte mutter durch die freud die du hestest
 da du din dochter secht tragen den schopfer
 aller welt vnd aller creatur **G**o sy alzit myn
 gedechtig vnd erlos mich von allem truck
 vnd angst sell vnd libe **A**men

Ich greuß dich **D**elle kornblume. wytt vffgethan
 schon gezeit. gleich dem blawen lasser **D**u
 bist eyn mutter der er wredige jungff maria
 die vortbracht hat den rotgefornete usserwelte
 us duffenten xpu vnser herre **A**mma hohe
 frau durch die freud die du besondst vnd gebrauchst
 in dem hymelischen paradys mit ihu xpo dines
 kundes sone **D**er da rengnyrt in dem tron **G**o
 bis alzit myn gedechtig **V**nd sieh in myn beteylich
 remerlich clage die ich dir stetiglich offenbare **V**nd
 erwerb mir recht bekentnyß aller myner sind. mit
 waver bicht **V**nd beserung myns lebes **E**yn gut
 end. **V**nd nach dise leben das ewig leben **A**me **S**alut
Gegruset sistu hymelische konigin **A**mma **E**yn
 mutter der mutter der barmherzigkeit **V**nsers
 lebens wegwysser in vnsers hoffnung

Geheuset sinstu. mit dynem gebet befehl vns
Ihu xpo vor ellenden kinder eue ruffen
zu die in vnsern engsten vnd notten zu die tief
ersufften vns hylff zu suchen **E**ya darumb du
guttige vnd aller beste königlichste frau aller
tugend **A**nna **D**yn herliche geburt die jung-
frau maria vnser fursprecherin flüßiglich
bitt **D**as sie mit dir se barmhertzige augen
zu vns wend vnd ihu die gesegete frucht
weß libb. vns mit dir nach diesem ellend ver-
sint. gnedig vnd wolgefellig erzeig vnd be-
wys **D**u mylte **D**u guttige **D**u aller
süßte mutter **A**nna **verf** In alle betrugnis
vnd vnsern engsten. **K**um vns zu hylff mit
diner aller seligste dochter **M**utter **A**nna

Almächtiger ewiger got all ding die vns
widerwertig sint schließ us gnediglich
also das du durch gebet der seligen sant anna
der gebererin sancta maria der mutter dinc
aller liebsten sons all schedlich sach abnemst
vnd all ding die vns nutz sint gnediglich
verlyhest **¶**